

**Ֆինանսական հաշվետվություններ**

**«ՄԵԼԻՔՅԱՆՍ ԸՆԴ ՔՈ»**

**ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ  
ԸՆԿԵՐՈՒԹՅՈՒՆ**

31 դեկտեմբերի 2023թ.



# Բովանդակություն

|   |   |
|---|---|
| Ֆինանսական վիճակի մասին հաշվետվություն  | 3 |
| Շահույթի կամ վնասի և այլ համապարփակ ֆինանսական արդյունքի մասին հաշվետվություն | 4 |
| Սեփական կապիտալում փոփոխությունների մասին հաշվետվություն                      | 5 |
| Դրամական միջոցների հոսքերի մասին հաշվետվություն                               | 6 |
| Ֆինանսական հաշվետվություններին կից ծանոթագրություններ                         | 7 |

# Ֆինանսական վիճակի մասին հաշվետվություն

| Հազար դրամ                                    |   | 2023թ.<br>դեկտեմբերի<br>31-ի դրությամբ | 2022թ.<br>դեկտեմբերի<br>31-ի դրությամբ |
|---|---|--|--|
| <i>Ակտիվներ</i>                               |   |  |  |
| <i>Ոչ ընթացիկ ակտիվներ</i>                    |   |  |  |
| Հիմնական միջոցներ և ոչ նյութական ակտիվներ     | 4 | 5,298                                  | 3,601                                  |
|   |   | <u>5,298</u>                           | <u>3,601</u>                           |
| <i>Ընթացիկ ակտիվներ</i>                       |   |  |  |
| Առևտրային և այլ դեբիտորական պարտքեր           | 5 | 6,225                                  | 1,057                                  |
| Տրված ընթացիկ փոխառություններ                 | 6 | 32,280                                 | 30,084                                 |
| Մնացորդներ դրամարկղում և բանկերում            | 7 | 378                                    | 72                                     |
|   |   | <u>38,883</u>                          | <u>31,213</u>                          |
| Ընդամենը ակտիվներ                             |   | <u>44,181</u>                          | <u>34,814</u>                          |
| <i>Սեփական կապիտալ և պարտավորություններ</i>   |   |  |  |
| <i>Կապիտալ և պահուստներ</i>                   |   |  |  |
| Կանոնադրական կապիտալ                          | 8 | 50                                     | 50                                     |
| Կուտակված շահույթ                             |   | 40,224                                 | 31,605                                 |
|   |   | <u>40,274</u>                          | <u>31,655</u>                          |
| <i>Ընթացիկ պարտավորություններ</i>             |   |  |  |
| Առևտրային և այլ կրեդիտորական պարտքեր          | 9 | 2,368                                  | 2,814                                  |
| Շահութահարկի գծով պարտավորություն             |   | 1,539                                  | 345                                    |
|   |   | <u>3,907</u>                           | <u>3,159</u>                           |
|   |   | <u>3,907</u>                           | <u>3,159</u>                           |
| Ընդամենը սեփական կապիտալ և պարտավորություններ |   | <u>44,181</u>                          | <u>34,814</u>                          |

Ֆինանսական հաշվետվությունները հաստատվել են 17 ապրիլի 2024թ.

Տնօրեն՝

Ռոբերտ Մելիքյան



Ֆինանսական վիճակի մասին հաշվետվությունը պատրաստվել է համաձայն Ֆինանսական հաշվետվությունների անբաժանելի մասը կազմող 7-ից 20-րդ էջերում ներկայացված կից ծանոթագրությունների հետ միասին:

# Շահույթի կամ վնասի և այլ համապարփակ ֆինանսական արդյունքի մասին հաշվետվություն

| Հազար դրամ                                    | Ծանոթ. | 2023թ.   | 2022թ.   |
|---|--------|----------|----------|
| Ծառայությունների մատուցումից հասույթ          |        | 52,760   | 32,849   |
| Ուղղակի ծախսեր                                |        | (29,582) | (23,171) |
| Համախառն շահույթ                              |        | 23,178   | 9,678    |
| Այլ եկամուտ                                   |        | 126      | -        |
| Վարչական ծախսեր                               | 10     | (12,780) | (7,181)  |
| Գործառնական գործունեությունից շահույթ         |        | 10,524   | 2,497    |
| Փոխարժեքային տարբերությունից վնաս             |        | (22)     | (10)     |
| Շահույթ մինչև հարկերը                         |        | 10,502   | 2,487    |
| Շահութահարկի գծով ծախս                        |        | (1,883)  | (487)    |
| Տարվա շահույթ                                 |        | 8,619    | 2,000    |
| Ընդամենը տարվա համապարփակ ֆինանսական արդյունք |        | 8,619    | 2,000    |

Շահույթի կամ վնասի և այլ համապարփակ ֆինանսական արդյունքի մասին հաշվետվությունը պետք է ընթերցվի սույն ֆինանսական հաշվետվությունների անբաժանելի մասը կազմող 7-ից 20-րդ էջերում ներկայացված կից ծանոթագրությունների հետ միասին:

# Սեփական կապիտալում փոփոխությունների մասին հաշվետվություն

| Հազար դրամ                                    | Կանոնադրական կապիտալ | Կուտակված շահույթ | Ընդամենը |
|---|----------------------|-------------------|----------|
| 2022թ. հունվարի 1-ի դրությամբ                 | 50                   | 29,605            | 29,655   |
| Տարվա շահույթ                                 | -                    | 2,000             | 2,000    |
| Ընդամենը տարվա համապարփակ ֆինանսական արդյունք | -                    | 2,000             | 2,000    |
| 2022թ. դեկտեմբերի 31-ի դրությամբ              | 50                   | 31,605            | 31,655   |
| Տարվա շահույթ                                 | -                    | 8,619             | 8,619    |
| Ընդամենը տարվա համապարփակ ֆինանսական արդյունք | -                    | 8,619             | 8,619    |
| 2023թ. դեկտեմբերի 31-ի դրությամբ              | 50                   | 40,224            | 40,274   |

Սեփական կապիտալում փոփոխությունների մասին հաշվետվությունը պետք է ընթերցվի սույն ֆինանսական հաշվետվությունների անբաժանելի մասը կազմող 7-ից մինչև 20-րդ էջերում ներկայացված կից ծանոթագրությունների հետ միասին:

# Դրամական միջոցների հոսքերի մասին հաշվետվություն

| Հազար դրամ   | 2023թ.         | 2022թ.         |
|--|----------------|----------------|
| <i>Գործառնական գործունեությունից դրամական միջոցների հոսքեր</i>               |                |                |
| Հաճախորդներից ստացված դրամական միջոցներ                                      | 61,061         | 38,995         |
| Վճարումներ աշխատակիցներին  | (23,560)       | (15,552)       |
| Վճարումներ մատակարարներին  | (13,525)       | (10,736)       |
| Վճարումներ բյուջե  | (16,970)       | (10,724)       |
| <i>Գործառնական գործունեությունից դրամական միջոցների զույր հոսքեր</i>         | <u>7,006</u>   | <u>1,983</u>   |
| <i>Ներդրումային գործունեությունից դրամական միջոցների հոսքեր</i>              |                |                |
| Հիմնական միջոցների և ոչ նյութական ակտիվների ձեռքբերում                       | (3,557)        | (2,883)        |
| Տրված փոխառություններից մուտքեր  | 11,764         | 11,451         |
| Տրված փոխառություններ  | (14,903)       | (10,559)       |
| <i>Ներդրումային գործունեության համար օգտագործված զույր դրամական միջոցներ</i> | <u>(6,696)</u> | <u>(1,991)</u> |
| Դրամարկղում և բանկերում մնացորդների զուտ (նվազում)/ աճ                       | 310            | (8)            |
| Արտարժույթի փոխարժեքի ազդեցությունը դրամական միջոցների վրա                   | (22)           | (10)           |
| Դրամարկղում և բանկերում մնացորդներ տարվա սկզբում                             | 90             | 90             |
| Դրամարկղում և բանկերում մնացորդներ տարվա վերջում                             | <u>7,17</u>    | <u>72</u>      |

Դրամական միջոցների հոսքերի մասին հաշվետվությունը պետք է ընթերցվի սույն ֆինանսական հաշվետվությունների անբաժանելի մասը կազմող 7-ից 20-րդ էջերում ներկայացված կից ծանոթագրությունների հետ միասին:

# Ֆինանսական հաշվետվություններին կից ծանոթագրություններ

## 1 ԸՆկերության գործունեության բնույթը և ընդհանուր տեղեկատվություն

«Մելիքյանս ընդ Քո» ՍՊԸ (նախկինում՝ «Արպարագոն ինթերնեյշնլ »ՍՊԸ) (այսուհետ՝ Ընկերություն) ստեղծվել է 1999թ. հուլիսի 20-ին՝ ք. Երևան, Հայաստանի Հանրապետությունում: Ընկերության կանոնադրական կապիտալի 100% պատկանում է Արամ Մելիքյանին: Ընկերության գործունեության հասցեն է՝ “Կոնտակտ Ռելե” Բիզնես Կենտրոն, Ազատության 24/19, 2-րդ հարկ, ք. Երևան, 0014, ՀՀ: Ընկերության իրավաբանական հասցեն է՝ Հայաստանի Հանրապետություն, ք. Երևան 0010, Չեյուսկինցիների 62: Ընկերությունը աուդիտորական ծառայությունների մատուցման լիցենզիա է ստացել՝ անդամակցելով Հայաստանի Աուդիտորների և փորձագետ հաշվապահների պալատին համաձայն ՀԱՊ խորհրդի 2021թ.-ի փետրվարի 17-ի 30-Ա որոշման և ծառայություններ է մատուցում առևտրային և ոչ առևտրային կազմակերպություններին, ինչպես նաև ֆինանսական ոլորտի կազմակերպություններին:

Ընկերությունը մատուցում է հետևյալ ծառայությունները՝

- Աուդիտ և աուդիտին հարակից ծառայություններ,
- Հարկային և իրավաբանական խորհրդատվություն
- Խորհրդատվական ծառայություններ
- Հաշվապահական ծառայություններ

Ընկերության աշխատակիցների թվաքանակը 2023թ. դեկտեմբերի 31-ին կազմել է 10 մարդ (2022թ.՝ 8 մարդ):

### Գործարար միջավայր

Ընկերությունը իր գործունեությունն իրականացնում է Հայաստանում: Հետևաբար, Ընկերության գործունեության վրա ազդեցություն են ունենում Հայաստանի տնտեսությունը և ֆինանսական շուկան, որոնց բնորոշ են զարգացող շուկայի հատկանիշներ: Իրավական, հարկային և օրենսդրական համակարգերը շարունակում են զարգանալ, սակայն կարող են ունենալ տարբեր մեկնաբանություններ և ենթակա են հաճախակի փոփոխությունների, ինչը, այլ իրավական և ֆինանսական խոչընդոտների հետ մեկտեղ, բարդություններ է ստեղծում Հայաստանում գործող կազմակերպությունների համար:

2022թ. փետրվարից շարունակվող ռուս-ուկրաինական պատերազմը էական ազդեցություն է ունեցել ինչպես հակամարտող երկրների, այնպես էլ համաշխարհային տնտեսության վրա՝ հանգեցնելով հումանիտար ճգնաժամի և հսկայական տնտեսական կորուստների Ուկրաինայում, Ռուսաստանում և այլ երկրներում:

Չնայած դժվարին մարտահրավերներին՝ Հայաստանի տնտեսությունը շարունակում է դրսևորել բավականին բարձր դիմադրողականություն շնորհիվ ՀՀ կառավարության և ՀՀ կենտրոնական բանկի կողմից շարունակաբար իրականացվող արդյունավետ մակրոտնտեսական քաղաքականությունների և համարժեք գործողությունների: Տնտեսական աճի և ակտիվության տեմպերը շարունակում են բարձր մնալ՝ պայմանավորված նաև օտարերկրյա քաղաքացիների մեծ ներհոսքով: Օտարերկրյա քաղաքացիների՝

Հայաստանում բիզնես շահեր ունենալու, հիմնելու կամ տնօրինելու իրավունքի սահմանափակումներ չկան: Բիզնեսի գրանցման ընթացակարգերը հիմնականում պարզ են:

Ֆինանսական հաշվետվություններն արտացոլում են Ընկերության գործունեության և ֆինանսական վիճակի վրա Հայաստանի գործարար միջավայրի ազդեցության ղեկավարության գնահատականը: Ընկերության ղեկավարությունը, շարունակաբար վերլուծում է տնտեսական իրավիճակը ներկա միջավայրում: Ապագա տնտեսական և քաղաքական իրավիճակը և վերջիններիս ազդեցությունը Ընկերության գործունեության վրա կարող են տարբերվել Ընկերության ղեկավարության ներկա սպասումներից:

## 2 Պատրաստման հիմքերը

### 2.1 Համապատասխանություն

Ֆինանսական հաշվետվությունները պատրաստվել են Ֆինանսական հաշվետվությունների միջազգային ստանդարտների (ՖՀՄՍ) համաձայն, ինչպես հրապարակվել է Հաշվապահական հաշվառման միջազգային ստանդարտների խորհրդի (ՀՀՄՍԽ) կողմից: Հաշվետվությունները պատրաստվել են՝ հիմնվելով այն գնահատման վրա, որ Ընկերությունն իր գործունեությունն իրականացնում է անընդհատության սկզբունքից ելնելով:

### 2.2 Չափման հիմքեր

Ֆինանսական հաշվետվությունները պատրաստվել են սկզբնական արժեքի սկզբունքով, բացառությամբ որոշ ֆինանսական գործիքների, որոնք ներկայացված են իրական արժեքով:

### 2.3 Գործառնական և ներկայացման արժույթ

Հայաստանի Հանրապետության ազգային արժույթը հայկական դրամն է (դրամ), որն էլ հանդիսանում է Ընկերության գործառնական արժույթը, քանի որ այն լավագույնս արտացոլում է ֆինանսական հաշվետվությունների հիմքում ընկած իրադարձությունների և Ընկերության գործարքների տնտեսական բովանդակությունը:

Սույն ֆինանսական հաշվետվությունները ներկայացված են հայկական դրամով, քանի որ, ղեկավարության համոզմամբ, այս արժույթն առավել օգտակար է Ընկերության ֆինանսական հաշվետվություններն օգտագործողների համար: Դրամով ներկայացված ամբողջ ֆինանսական տեղեկատվությունը կլորացված է հազար միավոր:

### 2.4 Գնահատումների և դատողությունների կիրառում

ՖՀՄՍ-ներին համապատասխան ֆինանսական հաշվետվությունների պատրաստումը պահանջում է, որպեսզի Ընկերության ղեկավարությունը կարևոր գնահատումներ և ենթադրություններ կատարի, որոնք ազդեցություն են գործում ֆինանսական հաշվետվությունների ամսաթվի դրությամբ ակտիվների և պարտավորությունների գումարների, ինչպես նաև հաշվետու տարվա եկամուտների և ծախսերի գումարների վրա:

### 2.5 Նոր և վերանայված ստանդարտների ընդունում



Սույն ֆինանսական հաշվետվությունների հաստատման օրվա դրությամբ լույս են տեսել մի շարք նոր ստանդարտներ, գործող ստանդարտների վերաբերյալ փոփոխություններ և մեկնաբանություններ, որոնք դեռևս ուժի մեջ չեն մտել: Ընկերությունը վաղաժամկետ չի ընդունել այդ ստանդարտներից և մեկնաբանություններից որևէ մեկը:

Ղեկավարությունը կանխատեսում է, որ կիրառելի նոր ստանդարտներն ու մեկնաբանությունները կընդունվեն Ընկերության կողմից՝ դրանց ուժի մեջ մտնելու օրվան հաջորդող առաջիկա ժամանակաշրջանում:

Ղեկավարության կանխատեսմամբ այս փոփոխությունները էական ազդեցություն չեն ունենա Ընկերության ֆինանսական հաշվետվությունների վրա և ներկայացված են ստորև:

- ՖՀՄՍ 16 «Վարձակալություններ»

Հաշվապահական հաշվառման միջազգային ստանդարտների խորհրդը՝ (ՀՀՄՍԽ) թողարկեց «Վարձակալության պարտավորությունը վաճառքի և հետադարձ վարձակալության դեպքում (փոփոխություններ ՖՀՄՍ 16)» որը հստակեցնում է թե ինչպես վաճառող-վարձակալը հետագայում պետք է չափի վաճառքի և հետադարձ վարձակալության գործարքները, որոնք բավարարում են ՖՀՄՍ 15 պահանջները՝ հաշվառելով որպես ակտիվի վաճառք:

«Վարձակալության պարտավորությունը վաճառքի և հետադարձ վարձակալության դեպքում (փոփոխություններ ՖՀՄՍ 16)» պահանջում է վաճառող-վարձակալին վարձակալության պարտավորությունը, որը առաջանում է հետադարձ վարձակալության դեպքում, հետագայում այնպես չափել, որ այն չճանաչի օգտագործման իրավունքով պահվող ակտիվների վարձակալության վերաբերվող օգուտ կամ կորուստը: Նոր պահանջները ետ չեն պահում վաճառող-վարձակալին շահույթ վնասում ճանաչել վարձակալության մասնակի կամ ամբողջական կասեցումից առաջացող օգուտ կամ կորուստը:

Փոփոխությունները ուժի մեջ են մտնում 01 հունվար 2024 թվականից: Վաղաժամ կիրառումը թույլատրվում է:

- ՀՀՄՍ 1 Փոփոխություններ «Ոչ ընթացիկ պարտավորություններ կովենանտներով»

2022թ. հոկտեմբերին Հաշվապահական հաշվառման միջազգային ստանդարտների խորհրդը՝ (ՀՀՄՍԽ) թողարկեց ոչ ընթացիկ պարտավորություններ կովենանտներով, ՀՀՄՍ 1 (Փոփոխություններ), որպեսզի հստակեցնի պայմանները, որը Ընկերությունը պետք է ապահովի տասներկու ամսվա ընթացքում հաշվետու ժամանակաշրջանից հետո, որը ազդում է պարտավորության դասակարգման վրա: փոփոխությունները ուժի մեջ են մտնում սկսած 01 հունվար 2024թ.-ից:

### 3 Հաշվապահական հաշվառման քաղաքականություն

#### 3.1 Արտարժույթ

##### *Արտարժույթով գործարքներ*

Ֆինանսական հաշվետվություններ պատրաստելիս Ընկերության համար գործառնական արժույթից տարբեր այլ արժույթով իրականացված գործարքները գրանցվում են գործարքի օրվա դրությամբ Հայաստանի Հանրապետության Կենտրոնական բանկի (ՀՀ ԿԲ) կողմից հրապարակված փոխարժեքով: Յուրաքանչյուր հաշվետու ամսաթվի դրությամբ արտարժույթով դրամային հոդվածները վերահաշվարկվում են՝ կիրառելով հաշվետու ամսաթվի դրությամբ ՀՀ ԿԲ-ի կողմից հրապարակված փոխարժեքը:

ԱՄՆ դոլար

2023թ.  
404.79

2022թ.  
393.27

Ոչ դրամային հոդվածները չեն վերահաշվարկվում հաշվարկվում են՝ օգտագործելով գործարքի օրվա դրությամբ գործող փոխարժեքը, բացառությամբ իրական արժեքով հաշվառվող և արտարժույթով արտահայտված ոչ դրամային հոդվածների, որոնք վերահաշվարկվում են իրական արժեքի չափման օրվա դրությամբ գործող փոխարժեքով:

Արտարժույթով գործարքներից, ինչպես նաև արտարժույթով արտահայտված դրամային հոդվածների վերահաշվարկումից առաջացած փոխարժեքային տարբերությունները ճանաչվում են ժամանակաշրջանի արդյունքում: Իրական արժեքով արտահայտված ոչ դրամային հոդվածների վերահաշվարկումից առաջացած փոխարժեքային տարբերությունները ներառվում են ժամանակաշրջանի արդյունքում, բացառությամբ այն ոչ դրամային հոդվածների վերահաշվարկումից առաջացած տարբերությունների, որոնց վերաբերող օգուտը կամ վնասը ճանաչվում է ուղղակիորեն զուտ ակտիվներում:

Ընկերության ակտիվներն ու պարտավորությունները վերահաշվարկվում են դրամից հաշվետու ժամանակաշրջանի վերջին օրվա դրությամբ գործող փոխարժեքով: Եկամտային և ծախսային հոդվածները վերահաշվարկվում են՝ օգտագործելով ժամանակաշրջանի միջին փոխարժեքը:

### 3.2 Հիմնական միջոցներ և ոչ նյութական ակտիվներ

Հիմնական միջոցները հաշվառվում են սկզբնական արժեքով՝ հանած կուտակված մաշվածությունը և արժեզրկումից կորուստները: Սկզբնական արժեքը ներառում է ձեռքբերման գինը, ներկրման տուրքերը, հարկերը, որոնք ենթակա չեն վերադարձման, և ուղղակիորեն վերագրվող ծախսումներ: Երբ հիմնական միջոցների միավորը բաղկացած է տարբեր օգտակար ծառայության ժամկետ ունեցող խոշոր բաղկացուցիչներից, դրանք հաշվառվում են որպես հիմնական միջոցի առանձին միավորներ:

Մաշվածությունը ճանաչվում է շահույթում կամ վնասում կամ ավելացվում է այլ ակտիվի սկզբնական արժեքին՝ կիրառելով գծային մեթոդը հիմնական միջոցի օգտակար ծառայության գնահատված ժամկետի ընթացքում: Մաշվածության հաշվարկը սկսվում է այն պահից, երբ ակտիվը դառնում է մատչելի՝ իր նպատակային նշանակությամբ օգտագործելու համար: Հիմնական միջոցների գնահատված օգտակար ծառայության ժամկետները ներկայացված են ստորև.

- Տնտեսական գույք - 8 տարի
- Համակարգչային տեխնիկա և սարքավորումներ - 1 տարի

Ոչ նյութական ակտիվները, որոնք ձեռք են բերվել Ընկերության կողմից և ունեն օգտակար ծառայության որոշակի ժամկետ, ներկայացված են սկզբնական արժեքով՝ հանած կուտակված ամորտիզացիան և արժեզրկումից կորուստները: Ամորտիզացիան ճանաչվում է շահույթի կամ վնասի և այլ համապարփակ ֆինանսական արդյունքների մասին հաշվետվությունում՝ կիրառելով գծային մեթոդը ոչ նյութական ակտիվի օգտակար ծառայության գնահատված ժամկետի ընթացքում, որը կազմում է 10 տարի կայքի համար:

### 3.3 Վարձակալված ակտիվներ

Համաձայն ՀՀՄՍ 17-ի՝ «Վարձակալություն», վարձակալված ակտիվի սեփականության իրավունքը փոխանցվում է վարձակալին, երբ նրան են փոխանցվում սեփականության իրավունքի հետ կապված բոլոր ռիսկերը և օգուտները: Վարձակալված ակտիվը վարձակալության սկզբում ճանաչվում է վարձակալված

գույքի իրական արժեքով կամ, ավելի ցածր լինելու դեպքում, նվազագույն վարձավճարների ներկա արժեքով՝ գումարած միանվագ վճարները, եթե այդպիսիք կան: Համապատասխան գումարը ճանաչվում է որպես ֆինանսական վարձակալության գծով պարտավորություն, անկախ նրանից, որ վարձակալական վճարների մի մասը կարող է վճարման ենթակա լինել մինչև վարձակալության սկիզբը:

Վարձակալված ակտիվների հետագա հաշվառումը, այսինքն՝ մաշվածության մեթոդի ընտրությունը և օգտակար ծառայության ժամկետների որոշումը, համապատասխանում են սեփականության իրավունքով լնկերությանը պատկանող նմանատիպ ակտիվների հաշվառմանը: Ֆինանսական վարձակալության գծով պարտավորությունները նվազեցվում են վարձավճարների չափով՝ հանած ֆինանսական վճարը, որը ներառվում է ֆինանսական ծախսերում: Ֆինանսական վարձակալության տոկոսային մասն իրենից ներկայացնում է մնացորդային արժեքի հաստատուն մաս, որը վարձակալության ժամկետի ընթացքում ճանաչվում է համապարփակ ֆինանսական արդյունքների մասին հաշվետվությունում՝ վարձակալության ժամկետի ընթացքում:

Մյուս բոլոր վարձակալությունները դիտվում են որպես գործառնական վարձակալություններ: Գործառնական վարձակալության գծով վճարները ճանաչվում են որպես ծախս գծային հիմունքով: Վարձակալության հետ կապված ծախսերը, ինչպիսիք են պահպանման և ապահովագրության ծախսերը, ծախսագրվում են իրականացման պահին:

### 3.4 Ֆինանսական գործիքներ

#### *Ճանաչում և ապաճանաչում*

Ֆինանսական ակտիվները և ֆինանսական պարտավորությունները ճանաչվում են, երբ լնկերությունը դառնում է ֆինանսական գործիքի պայմանագրային կողմ:

Ֆինանսական ակտիվներն ապաճանաչվում են, երբ լրանում են ֆինանսական ակտիվից ակնկալվող դրամական հոսքերի նկատմամբ պայմանագրային իրավունքները, կամ այն ժամանակ, երբ ֆինանսական ակտիվները բոլոր նշանակալից ռիսկերով ու հատուցումներով փոխանցվում են երրորդ կողմին:

Ֆինանսական պարտավորությունները ապաճանաչվում են, երբ դրանք մարվում են, վճարման ենթակա չեն, չեղյալ են ճանաչվել կամ լրացել է դրանց ուժի մեջ լինելու ժամկետը:

#### *Ֆինանսական ակտիվների դասակարգումը*

Բոլոր ֆինանսական ակտիվները սկզբնապես չափվում են իրական արժեքով՝ գումարած գործարքի հետ կապված ծախսումները, բացառությամբ այն առևտրային դեբիտորական պարտքերի, որոնք չեն պարունակում էական ֆինանսական բաղադրիչ և չափվում են գործարքի գնով՝ ՖՀՄՍ 15-ի պահանջներին համապատասխան:

Ֆինանսական ակտիվները, բացառությամբ հեջավորման գործիքների բաժանվում են հետևյալ կատեգորիաների.

- ամորտիզացված արժեքով հաշվառվող,
- իրական արժեքով չափվող՝ շահույթի կամ վնասի միջոցով,
- իրական արժեքով չափվող՝ այլ համապարփակ արդյունքի միջոցով:

Դասակարգումը բնորոշվում է հետևյալ երկու պարագայով.

- Ընկերությունը՝ ֆինանսական ակտիվների կառավարման բիզնես մոդելը,

- ֆինանսական ակտիվի՝ պայմանագրային դրամական հոսքերի հատկանիշները:

Ֆինանսական ակտիվներին առնչվող ամբողջ եկամուտը և ծախսերը, որոնք ճանաչվում են տարվա արդյունքում, արտացոլված են ֆինանսական ծախսերում, ֆինանսական եկամուտում կամ այլ ֆինանսական արդյունքներում, բացառությամբ առևտրային դեբիտորական պարտքերի արժեզրկման, որը արտացոլված է այլ ծախսերում:

*Ֆինանսական ակտիվների հետագա չափումը*

*Առևտրային և այլ կրեդիտորական պարտքեր*

Առևտրային և այլ կրեդիտորական պարտքերը ճանաչվում են իրական արժեքով, հետագայում չափվում են ամորտիզացված արժեքով:

### 3.5 Դրամական միջոցներ և դրանց համարժեքներ

Մնացորդները դրամարկղում և բանկերում ներառում են կանխիկ միջոցները, բանկային հաշիվների մնացորդները և դրամական միջոցները՝ ճանապարհին:

Դրամական միջոցների հոսքերի մասին հաշվետվության նպատակով՝ դրամական միջոցների համարժեքները կարճաժամկետ, բարձր իրացվելի ներդրումներն են, որոնք հեշտ փոխարկվում են դրամական միջոցների՝ նախապես հայտնի գումարներով, և որոնց արժեքի փոփոխման ռիսկը նշանակալի չէ: Դրամական միջոցների համարժեքները պահվում են կարճաժամկետ դրամական պարտավորությունները բավարարելու նպատակով, այլ ոչ թե ներդրման կամ այլ նպատակներով: Ընկերությունը դասակարգում է ներդրումները որպես դրամական միջոցների համարժեքներ այն դեպքում, եթե դրանք հեշտ փոխարկվում են դրամական միջոցների՝ նախապես հայտնի գումարներով, և որոնց արժեքի փոփոխման ռիսկը նշանակալի չէ:

### 3.6 Հատուցումներ աշխատակիցներին

Կարճաժամկետ հատուցումներն աշխատակիցներին այն հատուցումներն են, որոնք ենթակա են մարման ամբողջությամբ տարեկան այն հաշվետու ժամանակաշրջանի ավարտից հետո տասներկու ամսվա ընթացքում, որում աշխատակիցները մատուցել են համապատասխան ծառայությունները: Դրանք ներառում են՝

- (ա) աշխատավարձերը և պարգևավճարները,
- (բ) վճարովի տարեկան արձակուրդները և անաշխատունակության հետ կապված վճարովի արձակուրդները,
- (գ) քաղաքացիաիրավական հիմունքներով վճարված եկամուտները

## 4 Հիմնական միջոցներ և ոչ նյութական ակտիվներ

| Հազար դրամ                       | Տնտեսական գույք | Համակարգչային տեխնիկա և սարքավորումներ | Ոչ նյութական ակտիվներ | Ընդամենը |
|----------------------------------|-----------------|--|-----------------------|----------|
| <i>Սկզբնական արժեք</i>           |                 |  |                       |          |
| 2022թ. Հունվարի 01-ի դրությամբ   | 1,781           | 3,476                                  | 700                   | 5,957    |
| Ավելացում                        | 1,881           | 1,343                                  | 56                    | 3,280    |
| 2022թ. դեկտեմբերի 31-ի դրությամբ | 3,662           | 4,819                                  | 756                   | 9,237    |
| Ավելացում                        | 557             | -                                      | 3,000                 | 3,557    |
| Օտարում                          | -               | -                                      | (701)                 | (701)    |
| 2023թ. դեկտեմբերի 31-ի դրությամբ | 4,219           | 4,819                                  | 3,055                 | 12,093   |
| <i>Կուտակված մաշվածություն</i>   |                 |  |                       |          |
| 2022թ. հունվարի 1-ի դրությամբ    | 622             | 2,519                                  | 82                    | 3,223    |
| Տարվա հաշվարկ                    | 410             | 1849                                   | 154                   | 2413     |
| 2022թ. դեկտեմբերի 31-ի դրությամբ | 1,032           | 4,368                                  | 236                   | 5,636    |
| Տարվա հաշվարկ                    | 573             | 716                                    | 231                   | 1,520    |
| Օտարում                          | -               | -                                      | (361)                 | (361)    |
| 2023թ. դեկտեմբերի 31-ի դրությամբ | 1,605           | 5,084                                  | 106                   | 6,795    |
| <i>Հաշվեկշռային արժեք</i>        |                 |  |                       |          |
| 2022թ. դեկտեմբերի 31-ի դրությամբ | 2,630           | 451                                    | 520                   | 3,601    |
| 2023թ. դեկտեմբերի 31-ի դրությամբ | 2,614           | (265)                                  | 2,949                 | 5,298    |

## 5 Առևտրային և այլ դեբիտորական պարտքեր

| Հազար դրամ                          | 31 դեկտեմբերի 2023թ. | 31 դեկտեմբերի 2022թ. |
|-------------------------------------|----------------------|----------------------|
| <i>Ֆինանսական ակտիվներ</i>          |                      |                      |
| Առևտրային դեբիտորական պարտքեր       | 2,941                | 916                  |
|                                     | 2,941                | 916                  |
| <i>Ոչ ֆինանսական ակտիվներ</i>       |                      |                      |
| Տրված կանխավճարներ                  | 3,239                | 126                  |
| Դեբիտորական պարտքեր բյուջեյից       | 45                   | 15                   |
|                                     | 3,284                | 141                  |
| Առևտրային և այլ դեբիտորական պարտքեր | 6,225                | 1,057                |

Տե՛ս ծանոթագրություն 13(ա) Առևտրային և այլ դեբիտորական պարտքերի մնացորդների արժույթների բացահայտման համար:

## 6 Տրված ընթացիկ փոխառություններ

| Հազար դրամ                                | 31 դեկտեմբերի<br>2023թ. | 31 դեկտեմբերի<br>2022թ. |
|---|-------------------------|-------------------------|
| Տրված ընթացիկ փոխառություններ բաժնետիրոջը | 32,280                  | 30,084                  |
|   | <u>32,280</u>           | <u>30,084</u>           |

## 7 Մնացորդներ դրամարկղում և բանկերում

| Հազար դրամ        | 31 դեկտեմբերի<br>2023թ. | 31 դեկտեմբերի<br>2022թ. |
|-------------------|-------------------------|-------------------------|
| Կանխիկ միջոցներ   | 8                       | 8                       |
| Բանկային հաշիվներ | 370                     | 64                      |
|                   | <u>378</u>              | <u>72</u>               |

Տե՛ս ծանոթագրություն 13(ա) դրամարկղում և բանկերում մնացորդների արժույթների բացահայտման համար:

## 8 Կանոնադրական կապիտալ

Ընկերության միակ բաժնետերերն է հանդիսանում ՀՀ քաղաքացի Ռոբերտ Արամի Մելիքյանը: Ընկերության կանոնադրական կապիտալը կազմում է 50 հազար ՀՀ դրամ, որը կազմված է 1 բաժնեմասից, որի անվանական արժեքը կազմում է 50 հազար ՀՀ դրամ (2022թ. դեկտեմբերի 31-ի դրությամբ՝ 50 հազար ՀՀ դրամ): Ընկերության մեկ բաժնեմասը ամբողջությամբ տեղաբաշխված է և լրիվ վճարված: Հաշվետու տարում կանոնադրական կապիտալի փոփոխություն տեղի չի ունեցել:

## 9 Առևտրային և այլ կրեդիտորական պարտքեր

| Հազար դրամ                              | 31 դեկտեմբերի<br>2023թ. | 31 դեկտեմբերի<br>2022թ. |
|---|-------------------------|-------------------------|
| <i>Ֆինանսական պարտավորություններ</i>    |                         |                         |
| Առևտրային կրեդիտորական պարտքեր          | 995                     | 1,714                   |
|   | <u>995</u>              | <u>1,714</u>            |
| <i>Ոչ ֆինանսական պարտավորություններ</i> |                         |                         |
| Կրդեփտորական պարտքեր աշխատակիցներին     | -                       | 408                     |
| Կրդեփտորական պարտքեր բյուջեյին          | 1,373                   | 692                     |
|   | <u>1,373</u>            | <u>1,100</u>            |
|   | <u>2,368</u>            | <u>2,814</u>            |

Տե՛ս ծանոթագրություն 13(ա) Առևտրային և այլ կրեդիտորական պարտքերի մնացորդների արժույթների բացահայտման համար:

## 10 Վարչական ծախսեր

| Հազար դրամ           | 2023թ. | 2022թ. |
|----------------------|--------|--------|
| Տրանսպորտային ծախսեր | 1,000  | 1,000  |
| Վարձակալություն      | 2,323  | 2,153  |

| Հազար դրամ                                      | 2023թ.        | 2022թ.       |
|---|---------------|--------------|
| Գրասենյակային ծախսեր                            | 7,384         | 3,136        |
| Անհուսալի դեբիտորական պարտքի դուրս գրումից ծախս | 260           | -            |
| Ոչ նյութական ակտիվների դուրսգրումից վնաս        | 338           | -            |
| Այլ   | 1,475         | 892          |
|   | <u>12,780</u> | <u>7,181</u> |

## 11 Կարևոր հաշվապահական գնահատումներ և դատողություններ

Ենթադրությունները և դատողությունները շարունակաբար գնահատվում են և հիմնված են պատմական փորձի, ինչպես նաև այլ ցուցանիշների վրա, ներառյալ ապագա ակնկալվող իրադարձությունները, որոնք տվյալ հանգամանքներում համարվում են ընդունելի:

## 12 Ֆինանսական գործիքներ

### 12.1 Հաշվապահական հաշվառման քաղաքականություններ

Ֆինանսական ակտիվի և ֆինանսական պարտավորության յուրաքանչյուր դասի համար կիրառված հաշվապահական հաշվառման քաղաքականությունը և ընդունված մեթոդների մանրամասները, ինչպես նաև եկամտի և ծախսերի ճանաչման չափանիշներն ու հիմքերը ներկայացված են ծանոթագրություն 3-ում:

### 12.2 Ֆինանսական գործիքների կատեգորիաները

Ֆինանսական ակտիվների և պարտավորությունների հաշվեկշռային արժեքները ըստ կատեգորիաների ներկայացված են ստորև.

| Հազար դրամ   | 31 դեկտեմբերի<br>2023թ. | 31 դեկտեմբերի<br>2022թ. |
|--|-------------------------|-------------------------|
| <b>Ֆինանսական ակտիվներ</b>                                       |                         |                         |
| <i>Ամորտիզացված արժեքով չափվող ֆինանսական ակտիվներ</i>           |                         |                         |
| Առևտրային և այլ դեբիտորական պարտքեր                              | 2,941                   | 916                     |
| Տրված ընթացիկ փոխառություններ                                    | 32,280                  | 30,084                  |
| Մնացորդներ դրամարկղում և բանկերում                               | 378                     | 72                      |
| <b>Ընդամենը ֆինանսական ակտիվներ</b>                              | <u>35,599</u>           | <u>31,072</u>           |
| <b>Ֆինանսական պարտավորություններ</b>                             |                         |                         |
| <i>Ամորտիզացված արժեքով չափվող ֆինանսական պարտավորություններ</i> |                         |                         |
| Առևտրային և այլ կրեդիտորական պարտքեր                             | 995                     | 1,714                   |
| <b>Ընդամենը ֆինանսական պարտավորություններ</b>                    | <u>995</u>              | <u>1,714</u>            |

## 13 Ֆինանսական ռիսկի կառավարման ուղղություններ

Ընկերությունը ենթարկվում է զանազան ռիսկերի, որոնք կապված են Ֆինանսական գործիքների հետ: Այս ռիսկերն են

- շուկայական ռիսկը,

- պարտքային ռիսկը
- իրացվելիության ռիսկը:

Ընկերությունը ներգրավված չէ սպեկուլյատիվ նպատակներով ֆինանսական ակտիվների ակտիվ առքուվաճառքի գործարքներում, ինչպես նաև չի թողարկում օպցիոններ: Առավել էական ֆինանսական ռիսկերը, որոնց Ընկերությունը կարող է ենթարկվել, նկարագրված են ստորև:

## **Ֆինանսական ռիսկի գործոններ**

### *1) Շուկայական ռիսկ*

Շուկայական ռիսկը Ընկերության եկամտի կամ նրա ֆինանսական գործիքների արժեքի փոփոխության ռիսկն է շուկայական գների, այդ թվում արտարժույթի փոխարժեքների, տոկոսադրույքների և բաժնետոմսերի գների փոփոխության արդյունքում: Շուկայական ռիսկի կառավարման նպատակը ռիսկի այնպիսի կառավարումն ու վերահսկումն է, որը թույլ կտա պահպանել այս ռիսկին ենթարկվածության աստիճանն ընդունելի սահմաններում՝ միաժամանակ ապահովելով ռիսկի դիմաց եկամտաբերության օպտիմալացումը

#### *ա) Արտարժույթային ռիսկ*

Ընկերության գործարքների հիմնական մասն իրականացվում է հայկական դրամով:

### *2) Պարտքային ռիսկ*

Պարտքային ռիսկն առաջանում է այն դեպքում, երբ պայմանագրային գործընկերը չի կատարում իր պարտավորությունները, որի հետևանքով Ընկերությունը կարող է ֆինանսական կորուստներ կրել:

Ընկերությունը պարտքային ռիսկն առաջանում է ֆինանսական ակտիվներից՝ ներառյալ բանկերում պահվող դրամական միջոցները և դրանց համարժեքները և առևտրային և այլ դեբիտորական պարտքերը:

Պարտքային ռիսկը կառավարվում է խմբային հիմունքով՝ ելնելով Ընկերության պարտքային ռիսկի կառավարման քաղաքականությունից և ընթացակարգերից:

#### *ա) Առևտրային դեբիտորական պարտքեր*

Ընկերությունը բոլոր առևտրային դեբիտորական պարտքերի համար կիրառում է ՖՀՄՍ 9-ի պարզեցված մոդելը. «գործողության ամբողջ ժամանակահատվածի ընթացքում ակնկալվող պարտքային կորուստների ճանաչում», քանի որ այս դեբիտորները չեն պարունակում էական ֆինանսական բաղադրիչ:

Ակնկալվող պարտքային կորուստները չափելիս առևտրային դեբիտորական պարտքերը գնահատվել են հավաքական հիմունքով, քանի որ դրանք ունեն պարտքային ռիսկի ընդհանուր բնորոշումներ: Դրանք խմբավորվել են՝ ելնելով ժամկետանց օրերից:

Առևտրային դեբիտորական պարտքերի գծով ակնկալվող պարտքային կորուստների մեծությունը 2023թ. դեկտեմբերի 31-ի դրությամբ կազմում է զրո (2022թ. դեկտեմբերի 31-ի դրությամբ զրո է):

### *3) Իրացվելիության ռիսկ*

Իրացվելիության ռիսկը ենթադրում է, որ Ընկերությունը կունենա դժվարություններ՝ իր ֆինանսական պարտավորությունների հետ կապված պարտականությունները կատարելիս:

Ընկերության կողմից իրացվելիության ռիսկի կառավարման մոտեցումն է մշտապես ապահովել հնարավորինս բավարար իրացվելիություն, մասնավորապես ապահովել դրամական միջոցների և դրանց



համարժեքների ինչպես նաև բարձր իրացվելի ակտիվների այնպիսի չափ պահանջվող ժամկետներում պարտավորությունները մարելու համար:

Ընկերության ֆինանսական պարտավորությունները կարճաժամկետ՝ մինչև մեկ տարի են:

## 14 Իրական արժեքի չափում

Ընկերությունը սկզբնական ճանաչումից հետո իրական արժեքով չափվող ակտիվները և պարտավորությունները դասակարգում է 1-ից մինչև 3-րդ մակարդակներում՝ հիմնվելով իրական արժեքի դիտարկելիության աստիճանի վրա: Այս երեք մակարդակները ներկայացված են ստորև.

- 1-ին մակարդակ՝ իրական արժեքները ստացվում են նմանատիպ ակտիվների կամ պարտավորությունների ակտիվ շուկաներում գնանշվող գներից (չճշգրտված),
- 2-րդ մակարդակ՝ իրական արժեքները ստացվում են 1-ին մակարդակում ներառված գնանշվող գներից տարբեր այլ ելակետային տվյալներից, որոնք ակտիվի կամ պարտավորության գծով դիտարկվում են կամ ուղղակիորեն (այսինքն՝ որպես գներ), կամ անուղղակիորեն (այսինքն՝ գների հիման վրա ստացվող),
- 3-րդ մակարդակ՝ իրական արժեքները ստացվում են գնահատման հնարքների միջոցով, որոնք ներառում են ակտիվի կամ պարտավորության գծով ելակետային տվյալներ, որոնք հիմնված չեն դիտարկվող շուկայական տվյալների վրա (ոչ դիտարկելի ելակետային տվյալներ):

### 14.1 Ֆինանսական գործիքների իրական արժեքի չափում

Հետևյալ աղյուսակում ցույց են տրված նշված մակարդակները՝ պարբերական սկզբունքով իրական արժեքով չափվող ֆինանսական ակտիվների և ֆինանսական պարտավորությունների հիերարխիայում՝ 2023թ. դեկտեմբերի 31-ի և 2022թ. դեկտեմբերի 31-ի դրությամբ:

| Հազար դրամ   | Իրական արժեքի չափման հիերարխիա                                  |            |            |            |
|--|---|------------|------------|------------|
|  | 2023թ.<br>դեկտեմբերի<br>31-ի դրությամբ<br>Հաշվեկշռային<br>արժեք | Մակարդակ 1 | Մակարդակ 2 | Մակարդակ 3 |
| <b>Նկարագրություն</b>                                      |   |            |            |            |
| <i>Իրական արժեքով չափվող ֆինանսական ակտիվներ</i>           |   |            |            |            |
| Առևտրային և այլ դեբիտորական պարտքեր                        | 2,941   | -          | 2,941      | -          |
| Տրված ընթացիկ փոխառություններ                              | 32,280  | -          | 32,280     | -          |
| Մնացորդներ դրամարկղում և բանկերում                         | 378   | -          | 378        | -          |
| <i>Իրական արժեքով չափվող ֆինանսական պարտավորություններ</i> |   |            |            |            |
| Առևտրային և այլ կրեդիտորական պարտքեր                       | 995   | -          | 995        | -          |

| Հազար դրամ   | Իրական արժեքի չափման հիերարխիա                                  |            |            |            |
|--|---|------------|------------|------------|
|  | 2022թ.<br>դեկտեմբերի<br>31-ի դրությամբ<br>Հաշվեկշռային<br>արժեք | Մակարդակ 1 | Մակարդակ 2 | Մակարդակ 3 |
| Նկարագրություն   |   |            |            |            |
| <i>Իրական արժեքով չափվող ֆինանսական ակտիվներ</i>           |   |            |            |            |
| Առևտրային և այլ դեբիտորական պարտքեր                        | 916   | -          | 916        | -          |
| Տրված ընթացիկ փոխառություններ                              | 30,084  | -          | 30,084     | -          |
| Մնացորդներ դրամարկղում և բանկերում                         | 72  | -          | 72         | -          |
| <i>Իրական արժեքով չափվող ֆինանսական պարտավորություններ</i> |   |            |            |            |
| Առևտրային և այլ կրեդիտորական պարտքեր                       | 1,714   | -          | 1,714      | -          |

Բանկային հաշիվների հաշվեկշռային արժեքը համարվում է իրական արժեքի խելամիտ գնահատում:

## 15 Պարտավորվածություններ

### 15.1 Իրավական պարտավորվածություններ

2023թ. դեկտեմբերի 31-ի դրությամբ Ընկերության նկատմամբ առկա չեն որևէ դատական հայցեր: Միևնույն ժամանակ Ընկերությունը վերոնշյալ ամսաթվերի դրությամբ չունի որևէ դատական հայց ընդդեմ երրորդ կողմի:

## 16 Պայմանականություններ

### 16.1 Հարկեր

Հայաստանի Հանրապետության հարկային օրենսդրությունը հաճախակի ենթարկվում է փոփոխությունների, ինչը որոշ դեպքերում մեկնաբանությունների կարիք է առաջացնում: Հաճախ տարբեր հարկային և իրավասու մարմիններ տարբեր մեկնաբանություններ ունեն: Հարկերը հարկային մարմինների կողմից ենթակա են վերանայման և ուսումնասիրության: Հարկային մարմիններն օրենքով լիազորված են տուգանքներ և տույժեր առաջադրել: Վերոհիշյալ հանգամանքները Հայաստանում կարող են առաջացնել ավելի մեծ հարկային ռիսկեր, քան այլ երկրներում: Ղեկավարությունը համոզված է, որ հարկային պարտավորությունների գծով կատարել է համապատասխան հատկացումներ հարկային օրենսդրության համաձայն:

## 17 Դրամական միջոցներ և դրանց համարժեքներ

Դրամական միջոցների հոսքերի մասին հաշվետվության նպատակով՝ դրամական միջոցները և դրանց համարժեքները ներառում են դրամական միջոցները դրամարկղում ու բանկերում: Ֆինանսական տարվա վերջի դրությամբ դրամական միջոցների հոսքերի մասին հաշվետվությունում ներկայացված դրամարկղում և բանկերում մնացորդները կարող են համադրվել ֆինանսական վիճակի մասին հաշվետվության հոդվածների հետ հետևյալ կերպ.

| Հազար դրամ                         | 31 դեկտեմբերի<br>2023թ. | 31 դեկտեմբերի<br>2022թ. |
|------------------------------------|-------------------------|-------------------------|
| Մնացորդներ դրամարկղում և բանկերում | 378                     | 72                      |

## 18 Կապակցված կողմեր

Ընկերության կապակցված կողմերը ներառում են հիմնական ղեկավար անձնակազմը, անդամները:

### 18.1 Վերահսկողություն

Ընկերության բաժնեմասերի 100%-ը պատկանում է Ռոբերտ Արամի Մելիքյանին, որը նաև հանդիսանում է Վերջնական վերահսկող: Ներկայացվող հաշվետվությունների առումով Ընկերության կապակցված կողմերն են նաև համատեղ հսկողության տակ գտնվող կազմակերպությունները, ղեկավար անձնակազմի անդամները, ինչպես նաև նրանց հետ կապակցված անձինք:

### 18.2 Գործարքներ կապակցված կողմերի հետ

Հաշվետու տարվա ընթացքում Ընկերության և իր կապակցված կողմերի միջև իրականացվել են հետևյալ գործարքները, և հաշվետու ամսաթվի դրությամբ մնացորդները հետևյալն են:

| Հազար դրամ                       |          |          |
|----------------------------------|----------|----------|
| Գործարքներ                       | 2023թ.   | 2022թ.   |
| <b>Գործարքներ բաժնետիրոջ հետ</b> |          |          |
| Ստացված փոխառություններ          | 11,764   | 11,451   |
| Փոխառությունների մարում          | (14,903) | (10,559) |

| Հազար դրամ      |                         |                         |
|-----------------|-------------------------|-------------------------|
| Մնացորդներ      | 31 դեկտեմբերի<br>2023թ. | 31 դեկտեմբերի<br>2022թ. |
| <b>Բաժնետեր</b> |                         |                         |
| Փոխառություններ | 30,084                  | 30,084                  |

### 18.3 Գործարքներ ղեկավարության հետ

| Հազար դրամ   | 2023թ. | 2022թ. |
|--|--------|--------|
| Աշխատավարձ և պարգևատրումներ (ներառյալ ՀՀ օրենսդրությամբ սահմանված հարկերը) | 17,456 | 13,356 |